

Prome Minister Evelyn Wever-Croes:

PROME MINISTER CU UN BUNITA DISCURSO DURANTE E CONFERENCIA DI HENDE MUHE

“Mi ta e prome Minister President di Aruba, pero mi ta sigura boso, cu mi no lo ta e ultimo!”



Gobierno di Aruba, riba Dia Internacional di Henden Muhe, a organisa pa di 8 aña consecutivo un conferencia dedica na tur e sernan femenino, di cual 7 tabata den un sala completamente yen y 1 tabata virtual debi na e pandemia. E conferencia aki “Henden Muhe y Mucha Muhe Empodera ta Empodera henter Mundo” a conta cu un sala completamente yen, na unda tur esnan presente por a disfruta di varios presentacion inspirativo, enfocando riba e importancia di empodera nos henden muhe y mucha muhenan. E conferencia a inicia cu e bunita cancion

Gospel “Bo ta Santo” canta pa Eltienne Yarzagaray sigui pa un discurso di Aruba su Prome Minister Evelyn Wever-Croes.

Durante su discurso Prome Minister a elabora riba lidersago femenino y e importancia pa prepara nos mucha muhenan pa por asumi posiconnan di lidersago den futuro. El a conta con su persona a wordo aserca pa The New York Times na 2018, cu a indica despues di un estudio, cu e exito di pais Aruba ta danki na e lidersago femenino. Prome Minister a indica cu liderasgo femenino ta necesario no solamente

pa Aruba sino pa henter mundo, paso ta asina so e prioridadnan, y necesidadnan di e ser femenino por wordo tuma na cuenta.

Tambe Prome Minister a comparti cu esnan presente e 4 areanan cu ta traha pa su persona, y con e ta crea un balans den su bida;

Area 1: Famia/ Amistadnan

El a splica cu e prome area ta su famia y amistadnan, y aki ta unda e tin cu percursa cu e area aki ta stabiel. E ta importante pa crea un netwerk cu famia of amigonan pa asina entrenan comparti e peso y brinda ayudo na otro ora tin mester.

Area 2: Crea un estructura na trabou

Trabou ta importante pero nos cada un tin cu realisa cu nos no por haci semper tur cos nos so. Ta importante pa semper tin un persona mas na ken e trabou por wordo delega, paso nos niun tey pa semper y tur henden mester un “break”.

Area 3: Spritualidad y Fe

Prome Minister a splica cu e area aki ta esun cu ta trece hopi tranquilidad pa su persona, specialmente den momentonan menos bon. Y cu tin momento cu



cosnan ta hopi dificil pero cu nada ta pa semper y alfinal e solo ta sali. Su fe ta loke ta yud’e pa enfrenta cualkier obstaculo.

Area 4: Servicio na comunidad

E ta sumamente importante pa duna bek na comunidad, paso esaki ta trece un sentimento di satisfaccion. Yudando otro den necesidad, bo ta yudando bo mes como persona den varios sentido.

“Mi kier a finalisa mi discurso cu un quote; “Dimming someone else’s light, won’t make yours shine brighter” P’esey no ban purba paga e luz di niun henden, sino ban sigui

briya nos luz, pa asina nos por logra hopi mas.

Mi kier gradici boso pa acepta nos invitacion na e conferencia aki, y felicita cada un di boso riba boso dia. Durante e ultimo 7 añanan mi a sirbi boso cu hopi orguyo, y mi ta spera cu den bosonan wowo mi a haci un bon trabou. Mi a haci tur loke tabata den mi poder pa demostra cu henden muhe por lidera un pais, y esaki tabata posibel danki na boso sosten. Un cos mi por bisa; Mi ta e prome Minister President di Aruba, pero mi ta sigura boso, cu mi no lo ta e ultimo!” Prome Minister a expresa.

MINISTER MADURO TA LAMENTA CU FRACCION DI AVP Y FUTURO NO TA REALISA CON IMPORTANTE TA PA PRESUPUESTO 2025 KEDA TRATA Y APROBA

Presidente di Parlamento a schors e reunion pa tempo indefini



Gobernacion ta algo serio y pa varios aña Minister Maduro di Finansa hunto cu su ekipo a traha incansablemente pa percursu cu desde aña 2022 presupuestonan di Pais Aruba por a wordo entrega y trata na ora pa Parlamento di Aruba. Esaki ta necesario pa asina gobernacion por continua debidamente na unda debe por wordo paga y inversion por wordo haci na tempo. Di e manera aki a logra pa presupuestonan di aña 2023, 2024 wordo entrega y trata na tempo. Presupuesto 2025 tambe a wordo entrega na tempo, sinembargo su tratamiento ta tardando formalmente. Motibo pa esaki ta eleccion, tardansa den formacion di un Gobierno nobo, y e falta di prioridad di Presidente di Parlamento pa yama y trata Presupuesto 2025.

Lamentablemente no ta tur politico ta serio den nan trabou y awe esaki ta keda demonstra un bes mas ora cu porfin a yama tratamiento di Presupuesto 2025, pero na mesun momento Presidente di Parlamento a schors e tratamiento pa tempo indefini. Motibo pa esaki ta un amienda pa cambia Presupuesto 2025 cu a wordo entrega pa Fraccion di AVP hunto cu Fraccion di Futuro. Como cu ta trata di cambianan grandi, esaki mester bay CAFT y Raad van Advies duna nan opinion. Un proceso cu lo trece mas tardansa den tratamiento di Presupuesto 2025.

E tardansa aki por a wordo evita si Parlamento por a djies bay de acuerdo cu Presupuesto 2025 cu ta “beleidsarm” y cu lo a keda cla atras pa e Gobierno



nobo por a yega haci un Cambio di Comienso di aña y hinca nan maneho nobo aden. Di e manera aki por a percursu cu Aruba por tabata tin un presupuesto 2025 cu cual por a sigui cumpli cu debernan financiero y tin autorisacion necesario pa paga debe y haci inversion. Lamentablemente AVP y Futuro a scohe pa haci wega politico pa no trata Presupuesto 2025 y pa schors e tratamiento pa tempo indefini cu tur consecuencia cu esaki tin pa e maneho financiero serio di nos Pais.



REQUEST FOR PROPOSAL

Cargo Building Renovation at Aeropuerto Internacional Reina Beatrix

By means of this publication the Aruba Airport Authority N.V. (AAA), manager and operator of Aeropuerto Internacional Reina Beatrix (AIRB), would like to invite all interested parties and/or interested parties who have formally and/or informally shown interest in the past to AAA, to the project Cargo Building Renovation at AIRB, to submit to AAA an offer as further described in our Terms Of Reference (TOR) document.

Interested parties have to confirm their interest by emailing docscontrol@airportaruba.com in order to receive the TOR from AAA.


This request must be submitted on /or before 14 March, 2025. On 19 March, 2025, the TOR document will be provided to all interested parties digitally through a secured system. Once the TOR document is provided to the interested party on 19 March, 2025 an acknowledgement for receipt is required to validate the receipt of the TOR. Verification for the receipt of the request for the TOR remains the responsibility of the requesting party.

A site visit is scheduled for 28 March, 2025, at 08.30 am lt. Meeting point is in front of US Check-in hall. Questions on the TOR can be submitted on 4 April, 2025. Answers to the questions from all parties will be emailed ultimately 11 April, 2025, to each party that has received our TOR.

The final date for submission of a proposal to Renovate the Cargo Building at AIRB is 23 April, 2025 10:00 am, as per instructions in the TOR document.

AAA reserves the right to contact all entities on its own initiative who have expressed their interest in the past to AAA for the construction of such a project.

Aruba Airport Authority N.V.
February 2025



ZELENSKY: “RUSIA A LANSA CIENTOS DI ATAQUE E SIMAN AKI”

E siman aki, e conflicto entre Ucrania i Rusia a intensifica. Presidente ucraniano Volodimir Zelensky ta informa cu Rusia a lansa “cientos di atake” riba Ucrania, causando daño significativo na infraestructura i bida humano.

Trump: “Ucrania por no sobrevivi e guerra, ni cu ayudo di Merca”

Di su banda, presidente Donald Trump a expresa duda tocante e capacidad di Ucrania pa sobrevivi e conflicto cu Rusia, asina mes cu sosten di Merca.

El’a defende su decision pa reduci e asistencia na Ucrania, enfatizando cu Europa no tin e forza pa sostene Kyiv sin ayuda mericano.

Suspension di ayuda militar i precion pa paz

E gobierno di Trump a suspende e ayuda militar i di inteligencia na Ucrania. E posibilidad di reanuda ta depende di un acuerdo mineral. E medida aki a pone precion riba Zelensky pa busca un solucion diplomatico, cu algun ta percibi como un intento di extorsion.



NISSAN TIIDA NO A REGULA SU VELOCIDAD NI A MANTENE DISTANCIA A BAY DAL TRAS DI UN KIA CERATO



Diasabra atardi a drenta informe di un accidente na Tanki Leendert, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Nissan Tiida no a regula su velocidad ni a mantene distancia a bay dal tras di un Kia Cerato. Afortunadamente ningun hende a resulta herida.



Sublicious Aruba N.V.

ta buscando fulltime counterbediende
pa su sucursal nan.

Interesadonan por solicita
durante horario

di oficina na number di telefon

5827878

Forma parti di nos team dinamico.

CACHO A DESTROSA BRASA DI UN MUCHA NA PIEDRA PLAT, LEY DI CACHO NO TA SIRBI!




Diabierna atardi a drenta informe di cu un cacho a ataca un mucha na Piedra Plat, mesora a dirigi tanto polis como ambulans na e sitio. Na yegada di e patruya a bin compronde cu e doñonan di e cacho awe atrobe a laga e porta

habri y e cacho a sali y esaki a bay ataca muchanan hungando den e barío. Un di e muchanan a logra scapa for di e cacho pero un otro mucha su man a keda casi completamente destrosa.

E habitantenan di e barío mesora a sali pa yuda e mucha ataca mientras na yegada di e ambulans mesora a pone den e ambulans pa administre prome auxilio y a hibe hospital pa atencion medico avansa.

Na e sitio por a tende cu awe den Santa Cruz so tabata tin 3 caso cu cachonan ta ataca hende. Na Cas Ariba, banda di e Misa Protestant na Piedra Plat y awor na Piedra Plat tambe unda eynan na varios ocasion ta laga e porta habri pa e cacho sali haci su gracia y fechoria.



BACK 2 CASH

CU CAS DI MAX! CUMpra CU EFECTIVO(CASH)

Y RICIBI 10% DISCUENTO Y 2 CUSINCHI QUEEN GRATIS riba tur cama y corchon




Orario: dialuna pa diabierna 9 - 1pm | 2 - 6pm - diasabra 9 - 5pm
• Warehouse Melveld 3A-1 tel. 582-1671



ACCIDENTE CU HENDE HERIDA ORA AUTO A REVERSE Y A BAY DAL VAN CU "WHEELCHAIR" ADEN



Diabierna anochi a drenta informe di un accidente dilanti Do It Shaba, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un auto cu a bay reverse y a bay dal skina cu skina di un auto pa riba un Van cu "wheelchair" tabata aden y esun riba e stoel ey a keda spanta henter anochi. Na yegada di e ambulans nan a atende e dama na e sitio mes.



+2975870070

info@ffd-aruba.com

Shaba 24, Noord

CMB: Stichting F.F.D. # 024002904

Kvk: S-676

Pers. # 3794880

FFD ta buscando un Director dinámico y cu conocimiento di nos operacion

NOS ORGANISACION

Fundacion Faciladnan Deportivo (FFD) a ser funda na 2003 pa brinda (mantencion) maneho di un cantidad di faciladnan deportivo na Aruba. E faciladnan aki ta inclui canchanan di futbol, baseball, basketball y volleyball. E responsabilidad pa maneho operacional ta keda na e director, sosteni pa un team di supervisor y empleado nan tecnico di facilidad y administrativo. E responsabilidad final pa e resultado financiero, di personal y di maneho ta keda na e directiva.

RESPONSABILIDAD

E director ta maneha e procesonan di trabou, proyectonan y personal di fundacion FFD den e cuadro determina pa e directiva. E director ta sostene e hunta den definicion di e strategia, ta desaroya plan nan di politica y proceduranan den area nan operacional, organisatorio y financiero administrativo y ta monitoria nan implementacion. E director tambe ta responsabel pa e organizacion administrativo y ta responsabel na e directiva pa e resultado nan di FFD.

PERSONALIDAD

- por lidera y guia e organizacion den area nan publico y comercial
- por plania, coordina y vigila e progreso di e trabou
- por stimula y corigi e empleado nan di tal forma cu e trabou ta wordo hiba cu prioridad, efectividad y eficiencia corecto
- por guía, motiva y desaroya empleadonan
- organisa, motiva y cu por traha independiente
- un persona cu actitud proactivo y flexibel
- un persona critico cu por identifica problema, oportunidad nan y duna recomendacion
- por fungi como vocero di e fundacion y cu por defende e fundacion bou di tur circunstancia

Curriculum

- Nivel di trabou y conocimiento mester ta HBO
- Minimo 5 aña di experiencia den un posicion di maneho relevante
- Un bon vision den e mundo deportivo
- Habilidad interpersonal y cu un bon comunicacion
- Por domina e siguiente idioma nan (den habla y por escrito): Papiamento, Hulandes, Ingles y Spaño
- Conocemento tocante e supervicion y operacion di faciladnan deportivo y cu conocimiento di operacion di facilidad
- Creatividad pa loke ta financiamiento y comercialisacion ta deseabel

Por manda e solicitud, no mas tarda cu día 11 di maart 2025 via e email address: hr.ffd-aruba@gmail.com.

Minister Ursell Arends: PERMISO DI TAXI DEN UN SISTEMA TRANSPARENTE

E prome 20 permisonan di taxi bou di un proceso mas structura y transparente. For di comienso, e compromiso tabata pa sigura cu e reparticion di permisonan di taxi ta basa riba oportunidad igual pa tur ciudadano.

Den 2023, a cuminsa cu e inventarisacion di e aplicacionnan anterior, a bin resulta cu tin hende cu tin 20 aña ta warda pa contesta riba nan peticion. Cu e cambio den maneho di permiso, a introduci structura pa un sistema mas transparente por wordo implementa.

Dunando asina un servicio cu e ciudadano merece.

E lista completo di esnan cu ta den pipeline pa ricibi permiso di taxi, categorisa segun zaaknummer, ta disponibel publicamente riba Publico.aw bou di e tab Permiso. E prome 20 permisonan a wordo otorga segun e principio di FIFO (First-In-First-Out), basa riba e fecha di aplicacion. Den e proceso Departamento di Transporte Publico (DTP) ta contacta e aplicante pa entrega nan documentacion pa verificacion.

Den e fase inicial aki, tur 20 persona cu a ricibi permiso ta hulpchauffeurs actual cu ta cumpli cu tur rekesito necesario. E cantidad extra di taxi ta basa riba e estudio di capacidad di carga unda a tene na cuenta cu e aumento di cantidad di cambenan di hotel extra na Aruba. Por mira e resultado di aumento di turista caba na con largo turista tin cu warda na airport pa por ricibi servicio di taxi. Ya caba a hisa e cantidad di asiento permisibel den vehiculo di taxi pa 7 asiento, e 7



ta sin conta e chauffeur. DTP ta encarga pa evalua e desaroyo di taxi pa adapta pa mehoracion den transcurso di tempo.

Pa mas informacion of cualquier pregunta portuma contacto cu Departamento di Transporte Publico.

ACCIDENTE PA FALTA DI PREFERENCIA NA CRUSADA VENEZUELA STRAAT/ EMMA STRAAT



Diasabra anochi a drenta informe di un accidente cu hende herida na e crusada di Venezuelastraat y Emmastraat. Mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia entre un Nissan March blauw y un KIA Rio shinishi. Na yegada di e ambulans nan a atende cu e victima. Polis a tuma datos di e accidente aki. Ambos auto a ricibi daño material significativo.

The Aruba Ports Authority N.V. is publicly tendering:
Installation of fenders at the port of Oranjestad.
According to the tender document for
Capex Project APA-PFAU-1-25

Short Project description:

The project consists of the following activities
Removing old brackets from existing fenders and/or car tires.

- repairing the coping edge at each fender location.
- Installation of protective plates (UHMW-PE) against the quay wall for each fender.
- Installation of 4 pieces of "brackets or U-Anchor" for each fender.
- Note: the fenders are not installed.

The tender documents will be available for purchase from **March 10, 2025, up to March 14, 2025 until 4:30 pm local time**, via email tender@arubaports.com against payment of **Afl. 500.00**.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **March 14, 2025, at 4:30 pm local time**.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: TOR project nr. APA – PFAU – 1 – 25

For additional details of this tender, visit
<https://www.arubaports.com/main/installation-of-fenders-in-the-port-of-oranjestad/>
or scan this QR code.



PAROKIA SANTA ANNA TA ANUNCIA CU LO SERA DILANTI KAPEL DI ALTO VISTA TEMPORALMENTE

‘Alabes, lo conta cu regulacion nobo pa proteha e tereno sagrado’



Parokia di Santa Ana ta desea di informa e comunidad local, proveedornan di benta, y tur otro socionan relevante den e industria di turismo cu entrante diahuebs, 13 di maart 2025 lo sera e area dilanti di Kapel di Alto Vista pa aproximadamente 4 te cu 5 siman. Esaki ta fungi como e di dos fase di trabounan importante di proteccion y restauracion di e area menciona. E desarojo aki, cu lo ser reparti den un total di 2

fase, ta uno necesario pa por continua na preserva respet y trankilidad di nos Kapel sagrado. Durante e periodo aki, proveedornan di benta cu ta traha den e area lo wordo contacta pa suministra e informacion necesario riba e proceso completo. Alabes, lo percura pa mantene un entrada habri na banda di e Kapel pa asina bishitantenan por sigui tin acceso na e

edificio. Regulacion Nobo pa Trafico Pa proteha e ambiente y sonido den e area di Kapel di Alto Vista, y pa mehoracion di e experiencia di nos huespednan, e siguiente regla lo bira aplicabel:

- UTV/ATV y Busnan no lo por pasa y ni parkeer dilanti di e Kapel mas. Cada uno lo ricibi un lugar asigna di parkeo.
- Lugar asigna di

parkeo pa UTV/ATV lo ta na e parti patras di Kapel - Lugar asigna di parkeo pa Busnan lo bira algun meter prome cu yega e Kapel

Ta di menciona cu autonan regular lo por para dilanti of patras di e Kapel.

E medidanan aki ta forma parti di un esfuerso mas grandi, pa reestablece respet y trankilidad di e Kapel di Alto Vista cu ta tereno priva di Bisdom.

Asegurando cu e ta keda fungi como un lugar di pas, oracion, refleho spiritual, y preserva nos herencia cultural.

Parokia Santa Anna ta gradici e comunidad, proveedornan di benta, operadornan di tour, y tur huesped pa nan comprension y cooperacion durante e simanan binidero. Hunto, nos lo continua na honra y proteha nos Kapel di Alto Vista.

CHAUFFEUR DI UN NISSAN VERSA NO A REGULA SU VELOCIDAD NI A MANTENE DISTANCIA A BAY DAL TRAS DI UN HONDA FIT

Diabierna atardi a drenta informe di un accidente na Schotlandstraat, mesora a dirigi patruyanan na e sitio. Na yegada di e patruya a bin compronde cu aki ta trata di un accidente unda e chauffeur di

un Nissan Versa no a regula su velocidad ni a mantene distancia a bay dal tras di un Honda Fit. Afortunadamente ningun hende a resulta herida.



Prome Minister Evelyn Wever-Croes: Durante e conferencia organisa pa Bold Ladies **PROME MINISTER A COMPARTI KICO PA SU PERSONA TA IMPORTANTE ORA TA TRATA DI LIDERASGO FEMENINO**



Diabierna merdia Prome Minister Evelyn Wever-Croes tabata presente na Costa Linda Beach Resort pa un conferencia organisa en conexion cu Dia Internacional di Hende Muhe, pa Bold Ladies. E

tema di e conferencia aki ta Boldly Empowered. Prome Minister a expresa di sumamente contento di a wordo invita pa ta un orador na e conferencia importante aki cu a conta cu un sala di mas o menos

30 pa 40 hende muhe papiando di liderasgo femenino.

Durante su discurso Prome Minister a comparti loke pa su persona ta importante ora ta trata di liderasgo femenino. El a splica cu ta hopi importante pa cada un di nos hende muhe ta consciente cu ora lidernan femenino baha di un posicion, tin otro lidernan femenino prepara pa asumi posicionnan di liderasgo, y cu si e hende muhenan no

ta hopi enfatico riba esaki y lague pa casualidad, esaki no lo pasa.

Tambe, Prome Minister a expresa di ta convenci cu mas lidarsago fememino na Aruba ta hopi bon pa desaroyo di Aruba en general. El a comparti cu tur presente kico ta loke ta funciona pa su persona mei mei di un trabou cu hopi responsabilidad y hopi stress, y tambe e importancia di busca un balans den su bida y

cua areanan ta yuda su persona encontra esaki.

“Mi ta gradici e Bold Ladies nan aki pa e invitacion, y tur e damasnan cu tabata presente pa nan atencion den e discurso. Mi kier felicita tambe tur hende muhe pa cu Dia Internacional di Hende Muhe y gradici e ser masculinonan cu ta sostene nos den e posicionnan di lidarsago” Prome Minister a expresa.

AMBULANS A BAY ATENDE DAMA CHAUFFEUR CU A BIRA MALO TRAS DI STUUR NA BLOEMOND



Den oranan di merdia a drenta informe di cu un dama chauffeur a bira malo tras di stuur na Bloemond, mesora a dirigi un ambulans na e sitio. Na y e g a d a haci lo corecto y a para su auto mesora banda di caminda y a avisa ambulans. E personal a atende e dama na e sitio mes.

AUTO GANA DESPUES DI ACCIDENTE A BAY FOR DI E SITIO



Diabierna merdia a drenta informe di un accidente na Tanki Leendert, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un chauffeur a bay dal tras di un auto shinishi pero despues di e impacto e auto a bandona e sitio.

FOR SALE
FOR MUSIC COLLECTORS

Collecionista ta bende su colleccion di Longplays,singles, 78, cassettes & CD,s,los by choices

Lista di inventario disponible via email Email"josephr@setarnet.aw"

5972155

BOBCAT TRAHANDO BANDA DI CAMINDA A BAY DAL RIBA UN HYUNDAI ACCENT PASANDO



Diabierna mainta a drenta informe di un accidente dilanti Big Bazaar na Tanki Leendert, mesora

a dirigi un patruya na e sitio. Na yegada di e patruya a bin compronde cu aki ta trata di un

accidente pa motibo di un deha di no a sera e caminda un Bobcat den su maniobranan serando

e canal coba cu asphalt sin a mira cu auto ta bin a bira dal den banda di e auto causando un daño na

e auto y pusha esaki den banda. Afortunadamente ningun hende a resulta herida.

CHAUFFEUR DI UN DAIHATSU TERIOS NO A DUNA UN TOYOTA YARIS PREFERENCIA NA E CRUSADA VENEZUELA STRAAT/WEST STRAAT



Diabierna mainta a drenta informe di un accidente na e crusada Venezuelastraat/Weststraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda e chauffeur di un Daihatsu Terios biniendo pabao den Venezuelastraat no a duna preferencia na e Toyota

Yaris biniendo for di nort pa drenta pariba den Venezuelastraat y a bay dal den banda di e Yaris.

Afortunadamente ningun hende a resulta herida.

Clasificados

SOLO Di Pueblo

CLASSIFIEDS

SOLODIPUEBLO@GMAIL.COM
CEL. 585 9500

Record di promocion na Aruba Marriott

ORANJESTAD, 6 di maart 2025: Aña 2024 Aruba Marriott a conoce un record den promocion pa su asociadonan. Cada promocion ta significa un oportunidad nobo pa siña pero alabes un oportunidad nobo pa e profesionalnan den comunidad por solicita. Danzill Colina ta encarga pa supervisa e departamento di Housekeeping. Nan trabou ta pa garantisa cu tur e huespednan ta haya un camber limpi. Ademas nan ta haci nan maximo esfuerço pa tene e demas areanan limpi y nechí. Cada propiedad di Aruba Marriott tin característica unico, na Ocean Club ta cu nan tin “repeat owners” cu ta bishita e propiedad cada dos of tres biahá pa aña. Tin biahá nan sa keda maximo tres luna pasobra nan ta encanta e servicio cu Aruba Marriott tin pa ofrece. E promocion cu el a ricibi tabata algo cu e tabata trahando duro p’e. P’un tempo caba nan tabata bis’e cu e ta manera un supervisor door cu e ta cla pa cualkier situacion di emergencia. Danzill lo recomenda pa traha na Aruba Marriott si bo tin pasion pa loke bo ta traha mirando cu e ta un compania cu ta laga bo crece. E mes a inicia como un “Front Desk Agent” y awo e ta “Housekeeping Supervisor.”

Jude de Windt ta traha den e area di “Recreation” na Surf Club. Na Aruba Marriott e ta traha cu e huespednan, manteniendo e area di pool y garantizando cu tur e mashinnan tin serbete. Ademas e mester por garantisa cu si e huesped mester di algo e por yuda yega na un solucion. Loke ta haci Aruba Marriott special, segun Jude de Windt, ta cu na Aruba Marriott semper tin espacio pa su asociadonan por sigui crece, sea ta físicamente, mentalmente of spiritualmente. Di e manera aki nan ta crea diferente habito cu ta na nan bienestar. E promocion cu Jude de Windt a ricibi a pone cu el a haya un otro experiencia y pa siña mas. E lo recomenda pa traha na Aruba Marriott pasobra e compania ta duna un espacio pa crece.

Alexsander Figaroa actualmente ta e “Quality Supervisor” na Aruba Marriott. Su trabou ta encera cu e mester traha cu hopi departamento, mas tanto operacion pa asina mehora e servicio brinda na e huespednan. Tur dia ta traha hunto cu e demas lidernan pa duna e miho servicio posibel na e huespednan y laga nan sinti nan cas. Aruba Marriott

ta duna un sentimento di famia. E asociadonan ta pasa asina tanto tempo hunto cu nan ta sinti nan mes na cas. Nan semper ta traha cu un bon actitud, curason y cu un sonrisa. Aruba Marriott ta brinda e oportunidad pa ta su mes, eherce su trabou y sigui crece. E promocion cu el a ricibi aña pasa a impact’e den hopi manera. E ta sinti cu tur cos den bida a alineá. Alexsander Figaroa a expresa cu e ta sinti mas alegre y saludabel den su estilo di bida danki na e hermentnan cu Aruba Marriott ta brind’e. E ta recomenda tur hende pa traha na Aruba Marriott pasobra e ta un compania grandi y reconoci rond di mundo. E ta un compania cu ta duna bo tur e hermentnan necesario, abo lo mester duna bo pasion y perseverancia pa bo yega caminda cu bo kier. Alexsander Figaroa a cuminsa den “Housekeeping” y awo e ta “Quality Supervisor”.

Tashonna Laird a inicia bisando cu Aruba Marriott ta hopi special p’e pasobra e ta compania grandi cu tin un compromiso cu su asociadonan y alabes ta duna nan bon beneficio. Aruba Marriott ta conta cu hopi beneficio pa su asociadonan y ta compronde e balans entre trabou y bida diario. Aruba Marriott ta hopi comprensivo. Nan tin programa pa a asociadonan crece y siña mas. E promocion cu el a ricibi aña pasa a dun’e un “extra boost” na e confiansa cu e tin den su mes. El a dun’e mas opcion pa sigui padilanti y a mustr’e cu no tin limite pa logro bo

sononan. Tin nopi cos cu por sima den e posicion di - Guest Experience Expert. E ta duna mas chens pa bay dilanti den bida. E lo recomenda pa traha na Aruba Marriott, haya mas oportunidad y beneficio. E tin tres aña trahando cu Aruba Marriott y el a logra hopi caba. El a logra su cas y su auto.

Raisa Tromp, ta Sushi Chef na e Lobby di Aruba Marriott. Raisa Tromp ta esun encarga cu e sushi bar na Aruba Marriott. E tin cu mantene su coleganan contento pa nan por duna bon servicio na e huespednan. Loke ta haci Aruba Marriott special ta cu e ta un compania cu ta brinda hopi oportunidad. “Si bo ta un persona cu ta gusta bay dilanti, Aruba Marriott ta yuda bo den esey”, asina el a comenta. E promocion cu el a ricibi tabata uno hopi positivo, no unicamente financieramente sino tambe door di e trainingnan. Nan ta haya training pa dirigi y tambe culinario. Raisa Tromp ta recomenda pa traha na Aruba Marriott si bo ta un hende cu ta gusta bay dilanti mirando cu e compania ta ofrece training y curso. Ademas pa loke ta trata e area culinario, cada tanto luna nan ta trece diferente chef for di afo pa haya sa mas tocante e innovacionnan cu tin den e mundo culinario.

Ryan Rampersaud, Director of Casino Operations pa Stellaris Casino, su trabou ta encera pa dirigi e operacion di e casino y garantisa e satisfaccion di e clientenan. Stellaris Casino ta un di e casinonan di mas grandi na Aruba, pues tin hopi local y turista ta bishit’e. Ryan Rampersaud su trabou ta pa tur cos den e casino bay bon for di yegada te cu nan salida. Loke ta haci Aruba Marriott special ta cu e ta un compania cu ta

cuida su asociadonan. Nuebe aña pasa Ryan Rampersaud a cuminsa su carera na e hotel como “Assistant Manager” y awo e tin un rol mas grandi. Aña pasa el a ricibi un promocion, Ryan Rampersaud ta conta cu e semper a aspira pa crece. E promocion tabata un motivacion pa e sigui crece pa su famia y su yiunan. Sin duda, e lo recomienda pa traha na Aruba Marriott mirando cu e ta un di e companianan di hospitalidad di mas grandi na mundo. E ta di pensamiento cu si bo tin un pasion pa duna servicio, Aruba Marriott ta un di e companianan miho den esaki.

Na aña 2024 Aruba Marriott a conoce un total di 245 promocion interno pa e asociadonan. Luzdary Patterson-Leest a indica cu esaki tabata oportunidadnan cu a presenta pa e asociadonan por a subi di posicion of cambia di carera den e mesun departamento. Tur aña e oportunidadnan aki ta presenta sinembargo aña 2024 tabata un record. Tin di e asociadonan cu tabata den nan funcion pa hopi aña pero tabatin wowo pa un reto nobo. Hopi asociado di Aruba Marriott tin meta grandi pa nan carera pues e sentimento ta uno cu ta sigui den 2024 unabes cu nan a haya e oportunidad pa crece. Aruba Marriott a haci algun cambio den algun titulo por ehempel awo tin “Guest Experience Expert” cu ta encera e posicion di “Front Desk Agent” y “Rooms Controller” cu awo ta uno. Esaki a pone cu e asociado por experiencia cada area di Front Office. Esaki ta haci cu tin mas oportunidad pa join e departamento. Cu cada promocion, ta habri mas espacio pa hende solicita. Tin diferente posicion habri, esunnan interesa por solicita na marriott.com/careers. Riba e website por mira tur posicion disponibel y aplica.



Mas cu 1000 publicacion riba e repositorio di University of Aruba!



publicacion di resultado di investigacion di e investigadonan di University of Aruba! Publicacion number 1000 tabata di Hannah Meijer, cu a presenta un poster tocante Colaborando riba tareanan publico den di Reino Hulandes durante e Dutch Caribbean Research Week na november 2024.

University of Aruba Research Center ta orguyoso di anuncia cu University of Aruba's Repository tin mas cu 1000 publicacion awor! A lansa e repositorio, un archivo accesibel, unda por aloca tur documentacion, na september 2024. Esaki a crece rapidamente den e lunanan pasa, danki na e adicionnan di

E board of Trustees di University of Aruba a duna Research Center e tarea di aumenta e visibilidad substancial di e resultadonan di e investigacionnan di e instituto. E repositorio ta un di e maneranan cu nos por ehecuta e mision y demostra e experticio academico di University of Aruba.



Ademas, e repositorio ta promove acceso na resumen y traduccion di articulo cientifico, cu ta haci e articulonan cientifico mas facil pa lesa! Algun ehempel ta e investigacionnan tocante social work, sostenibilidad (por ehempel seawater

refineries of aloe vera) y idioma. Mas resumen y traduccion ta na caminda! Bishita e repositorio y explora e investigacionnan cu tin na disposicion! Si bo tin cualkier pregunta of bo kier haya mas informacion, tuma

contacto cu Research Center (research@ua.aw)! Bo por suscribi pa e Research Center's monthly newsletter pa ricibi cualkier update y e ultimo noticianan tocante investigacion. Bo por cuminsa cu e January newsletter!

NA MACUARIMA UN HOMBER A CAY FOR DI TRAPI Y A HAY'E BENTA ABAO SANGRANDO PROFUSAMENTE!



Diaranson atardi a drenta informe di cu un persona a cay for di trapi y ta benta abao sangrando na Macuarima, mesora a dirigi un ambulans na e sitio. Na yegada di e ambulans a bin compronde cu famia mes

ta riba caminda hibando e hospital pero mirando con druk e trafico ta nan a para na e pompstation y ta wardando ambulans. Den un rat'i ora ambulans a yega y enberdad e victima tabata sangrando profusamente e personal di

ambulans mesora a atende e victima y a transporte pa hospital. E paramediconan a informa e famia cu otro biaha pa laga e personal di ambulans mes transporte pa hospital.

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - March 09, 2025

CATOLICHI Sorteo # 4559 8384 4031 6911 MULTI X X3 BIG 4 Sorteo # 4559 0930 MULTI X X2 OFF Sorteo # 2615 0357 ZODIAC Sorteo # 4559 5480 Tauro LUCKY 3 Sorteo # 1433 368 MULTI X FP	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 180.000,-	LOTTO DIA Sorteo # 6765 0 x Jackpot 10 x Match 4 144 x Afl. 8,00 03-08-12-15-29 Proximo Jackpot 52.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 270.000,-	MEGA Afl. 370.000,-	KORSOU Sorteo #
---	--	--	---	--------------------------------------	-------------------------------

CHAUFFEUR NO TA REGULA VELOCIDAD NI MANTENE DISTANCIA Y TA BAY DAL TRAS DI AUTO SU DILANTI NA MEIVELD



Diaranson mainta a drenta informe di un accidente na Meiveld,

mesora a dirigi patruya na e sitio. Na yegada na e sitio a bin compronde cu aki chauffeur di un Mitsubishi Lancer no a regula su velocidad ni mantene distancia di e

Toyota Innova su dilanti y a bay dal tras di esaki.

E impacto a causa basta danjo material. Afortunadamente ni gun persona a resulta herida.

Dalmento despues di draaimiento door di hobennan na Brazil



Diaranson atardi a drenta informe di un accidente na Brazil, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e muchanan hoben di school tabata draai drift auto y na dado momento a perde control bay basha muraya di cas abao.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

Paga bo cuenta
online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curason, mi por stens di loke Señor ta haci"
Salmo 33

Cu dolor na nos curason, pero agradecido pa tur locual e la significa pa nos, nos ta
participa fayecimento di:

Hildo Theodoor Dabian
Mihor conocí como "Haime"
Fundador di Shahai Take Away
29 Mei 1941 - 3 Maart 2025
Na nomber di su Esposa:
Yvonne Dabian-Lee



Yiunan:
Haime jr. & Jane
Sharuska & Emile

Nieto(a)nan:
Haischel y Senna
Edann y Lyanne
Jayen y Laureenne
Thiani
Thaliza

Rumannan na bida:
Violeta Wester Dabian y famia,
Evi Dabian y famia

Sua y cuñanan bida:
Tai Fung Lee
Tai Hein Bernardo Lee & Anna Lee-Werleman,
Tai Kong Hypert Lee & Salome Lee-Webb,
Sra. Viuda Olga-Lee Hernandez
Tai Foo Ramon Lee & Maria Lee-Croes
Sra. Viuda Rubia Werleman-de Palm

Subrino, subrina, nan yiunan y famia, primo y primanan, su ihanan, amistades,
bisiñanan, conocirnan y demas famia.

Manera famia:
Magaly Marmolejos

Empleadonan di Shahai Take Away

Miembronan di Papa Haime's Domino team

Acto di despedida:
Dialuna 10 di Maart 2025
Immaculada Concepcion, Santa Cruz
Condolencia: 1:00 pm pa 3:15 pm
Palabra y Despedida: 3:15 pm pa 4:00 pm
Respons: 4:00 pm

Nos ta gradici y aprecia e convivencia, sosten y e apoyo ricibi, pero nos
ta lamenta cu nos no lo ricibi bishita di condolencia na cas

Nos disculpa si den nos momento di tristeza nos por a lubida algun
famia of ser kerí.

Na lugar di flor, ta gradici di antemano pa haci un donacion
pa Cas Marie.

Lo tin un box disponibel den misa.

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

FORTALEZA PA FAMILIA

Scirbi pa Pastor Marcel Balootje.

NOS TUR MESTER DUNA CUENTA DILANTI DI DIOS ORA NOS MURI

Asina anto, cada un di nos lo duna cuenta di su mes na Dios. (Romanonan 14:12).

Pasobra nos tur mester parece dilanti e tribunal di Cristo, pa cada un wordo recompensa pa su hechonan den e curpa, segun loke e a haci, sea bon of malo.(2 Corintionan 5:10).

Ningun hende no por representa otro dilanti di Dios, pasobra salvacion ta personal, ta esun cu kere lo ta salba, ma esun cu no kere ta condena caba, pasobra e no a kere den e Yiu unigenito di Dios.

Awor no ta existi asunto di kere parcialmente, pasobra Dios conoce curason di tur hende, y ningun hende no por

ganja Dios, ni tampoco haci bofon di Dios.

Pesey e palabra di Dios ta bisa, cu hopi cu lo bisa Senjor, Senjor, y Senjor lo bisa bay for di mi haci dor di maldad nunca mi a conoce bo.

Tampoco no tin asunto di conoce Senjor y sigi biba manera nos kier, cargando e nomber di Senjor pero no agrada Senjor cu nos bida, den un palabra bisa bibando con cu ta, pasobra Senjor kier pa nos ta prepara pa su binida. Wak kico a sosode cu e cinco birgen cu no a percura pa nan tin azeta den nan lampi, y laga nos perservera, biba corecto y prepara y no trata Dios con cu ta.

E palabra di Dios ta bisa:

Esun cu persevera te na fin esey lo ta salba .(Mateo 24:13).

Despues cu un hende muri , no tin nada mas cu por wordo ahusta den su bida , dilanti di Dios, ni maske cuanto oracion, wordo haci, ni maske cuanto nos papia, grita of lamenta, toch nada por wordo haci , pasobra cada ken tin cu duna su cuenta dilanti di Dios.

Hopi hoben ta pensa awel mi mayornan ta Cristian , awel ami ta cla pasobra mi mayornan ta haci oracion pa mi, esey ta berdad hoben, bo mayornan ta

stima bo, pero abo mester kere y tin un relacion intimo cu Cristo Hesus, pasobra cada ken mester duna cuenta na Dios pa nan mes.

Pesey como mayor nos mester, lanta nos yuinan den e Palabra di Dios, pa nos yuinan conoce e seriedad di salvacion, y e displina di Dios, y na grandi nan mes mester percura pa keda riba e caminda di Dios.

Si nos muri den Cristo Hesus nos lo lanta den Cristo Hesus, pasobra tur hende mester pasa dilanti e tribunal di Cristo, sea pa bida eterna den Cristo celebrando Victoria hunto cu Cristo y e angelnan, of yorando den decepcion y derota huntu cu diabel y su compinche nan.

Tene cuenta cu segun Lucas 16:19-31 ningun hende cu drenta cielo,

no tin contacto cu esnan den fierno, ni esnan den fierno no tin contacto cu esnan den cielo, ni tampoco ningun di nan por tin contacto cu esnan cu ta riba tera, no tin cuenta di hiba respondi, tur locual hende mester haci ta scucha, y kere den Cristo ora nan ta na bida.

Y ora nan muri nan famianan por tin sigur cu na a sosega na pas, tin hende ta hanja un chens cu den ultimo momento nan lo entrega nan bida na Cristo Hesus, esey ta sosode segun Dios permiti, pero no ta tur ta hanja e oportunidad ey, pesey no laga Cristo un banda ora bo ta na bida.

Pasobra segun bo biba, bo ta wordo hustifica , of bo ta wordo condena.

Hende ta destina pa muri un biaha so y despues di esaki ta bini huicio.

Paga bo cuenta online ta facil

Sea
Abonnement
of Aviso

Pago online,
facil y lihe

SOLO Di Pueblo

Pa hasi pago online pone nomber y adres na
cuenta di banco RBC Sunmax Printing
account # 7700000100152447

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yuinan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yuinan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..."(Sal 78, 7)
Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.